



589385

Mag. St. Dr.

III

Biblioteka Jagiellońska



stdr0002134

TRIGEMINA

CELSITVDINIS THEOLOGICÆ

3000 PORTA: *221732/III*

Perillustri, Clarissimo, & Adm: Rñd. Dño,

D. M. MATHIÆ

STANISLAO

PSOIECKI,

Sacræ Theologiæ, & Vtriusq; Iuris Doctori,

PROTONOTARIO Apostolico, COLLEGÆ MAJORI,

CANONICO ad S. FLORIANUM, ALMÆ UNI-

VERSITATIS CRACOVIENSIS PROCURATORI,

Contubernij Jagelloniani PROVISORI, CURATO

in Osiek, S. R. M. SECRETARIO;

PRO LOCO,

INTER PERILLVSTRES, & ADM: RR. DD.

Sacræ Theologiæ Doctores,

In Peraugusta Divi Jagellonis Aula,

& in Amplissima Illustrum Hospitum,

Ordinumq; Academiæ Corona

RESPONDENTI,

I N

ARCVM TRIUMPHALEM,

Gratijs Auspicijs

E R E C T A:

Comitante raræ magnificentiæ pompam,

Officiosi plausibus,

Debitæ observantiæ ergo,

M. MARTINO BIELECKI,

Philosophiæ Doctore, inter Collegas Minores Professore,

Canonico Tarnoviensi, Contubernij Jagelloniani Seniore,

Anno restituta Salutis 1691. Die 6. Septembris.

CRACOVIAE, Ex Officina Francilci Cezary, S. R. M. Typogr.

CELSITUDO THEOLOGICA,

In monte Palatino nobile Pallanteum.



Non hūc perueniunt,
viles animæ ac in terram pronæ :

Ardua damnantes, ut ardea aquas.

Alto rerum prædita folio dominantium potestas,

Hūc quoquē non eluctatur ut habitet,

Divine iantricem scientiæ, vigiliam declinans, ut veliam Publicola.

Cæterum

Regum trabeis, Imperatorum prætextis, Consulū blatteis,
potior hospes, hanc incolit Regiam, sacrosq; Penates.

Ipso minor Ioue vir sapiens,

plerumque pauperis Euandri similior,

semper Regum opes, equans animo.

Bonorum Rector, malorum victor,

Doctarum post amara curarum,

non Aquilæ ministerio sicut fabulosus Ganimedes,
sed, Sacrationis disciplinæ, lucem inaccessibilem aquilâ acutiùs cernentis,
adminiculo,

velut Nectaris poculo, Divinitatis conscius efficitur.

Palatium ad hoccè, arcano lumine circumfulgens,

Quæ conducit,

Carmentalem Romano nomine portam,

E frustra quis requirat,

nisi fatidica vatis, sacrum Nymphæ Carmentis honorem,

iustiori titulo referat in Diuam Theologiam,

cuius doctrinam fata sequuntur.

Porta eius Trigemina, & Ostiensis, captiuare intellectum in fidei obsequiis
murus triplex Ahæneus esto, Theologicarum ternio virtutum,

ostium triumphale revelatio Divinorum,

per quam, nutu scientiæ cæli Palatinæ, apertam,

tres unius Deitatis Personæ salutariùs procedunt,

in cognitionem fidelium,

quam olim Trigemini Horatii contra Curiatios in prælium.

utrumq; sanè pro Romæ pollentis imperio

sed Trigemina Celstudinis Theologicæ porta

Sancti

Sanctioris decus & tutamen Quirini.
triumphali non scelerato nomine signanda
quamvis, innumera Martyrum millia non trecentos Fabios,
in cladem dimiserit.

Nempe illi vitâ & obitu Theologi,
dum Theses Orthodoxæ fidei Theologicas,
uni trinoque Domino,
in proprij
sanguinis purpura dedicant, invictiq; cadunt,
per Trigeminam, in cæleste Capitolium regressi sunt triumphantes.
sic lætiori rerum vicissitudine,

Porta vacat culpâ nec malum omen habet,
cum, iam mitiori fato in celum liceat referri.

Trigemmam hanc etiam ego dixero,
quæ cum tres Perillustrium in Sacra Theologia Doctorum, gēmas.
nuperrimè præmiserit
in augustius subsellium,

Tibi

Perillustri Clarissime & Admodum Reverende Domine,

M. MATHIA PSOIECKI,

Sacræ Theologiæ Doctor & Professor,

Collega Maior, Protonotarie Apostolice,

Canonice S. FLORIANI

Almæ Universitatis Cracoviensis Procurator,

Contubernij Iagelloniani Provisor,

cuius triumphalia, Abacus ex gemmis, & aurei montes decent,
omine fausto, surgit in Arcum triumphalem.

Nimirum:

Adamas, quem facit sol sibi luce parem,

In excelsa mente Perillustri Clarissimi & Admodum Rndi Domini,

M. CHRISTOPHORI SOWINSKI,

S. Th: Doctoris & Professoris,

Collegæ Maioris, ad S. FLORIANVM Decani,

radiat præclarè, prosperis remitti, aduersisque frangi nescius,
mirâ scientiarum claritate, umbras mentium serenans.

Carbunculum, cui purpureo nomen ab igne venit,
in candido pectore

Perillustris Clarissimi & Admodum Reverendi Domini,
M. BASILII OLSZYNSKI,
Sacrae Theologiae Doctoris & Professoris,
Collegae Maioris, Canonici ad S. Florianum,
ardere approbant, ignita eiusdem Divina eloquia
& lampades concionum ardentes.

In eximiis Virtutibus,

Perillustris Clarissimi & Admodum Reverendi Domini,
M. PAULI WOIEWODZKI,
Sacrae Theologiae Doctoris & Professoris,
Collegae Maioris, ad Sanctum Florianum Custodis,
vernatur viridis hilari fulgore smaragdus,
aut emicat pretiosus iaspis
varius doctrinarum flammis.

His magni pretij gemmis,
Te placido sublimem triumpho,
contuetur victoria animorum

Adeo:

*non suo tantum allusit fauori Caesar Dictator,
Gemma, oculos Deorum appellando.*

Grata Civium Londinensium pietas, an ingeniosa adulatio,
miro artis finxerit genio

Tres Gratias,

Portam, Regi Angliae Londinum ingredienti, referantes
cum Lemmate: *Exspectate venis.*

Fragilis ille honos, agilis quem dextra laborat.

Sapientissimi animi Tui,
& Triumphalis, quam per plausus animorum ducis.

Pompæ,

Fama formaeque aeterna est.

Quid ni?

Perenniùs hanc exhibeant orbi,
Doctarum Comites Musarum Gratiae,
cultissimi pectoris Tui Patriciae Ciues
primum Aglaia decoro

*Laetitia praese ore ferens, secumq; Thalia
Cincta sacrum viridi strophio caput, Euphrosineq;
Leta genas, leta os roseum, vaga lumina leta.*

Istæ omnium actionum meritorumque Tuorum
cum Præstites Deæ sint :

Quidni:

laudes tuas Tibi ingerant & præcellentium virtutum,
pandant ordinem.

nam hic victoris, animi arcus triumphalis est,

PRIMA CHARIS,

Formosos natura viros, fortunaq; Cræfos
sed probitas magnos ingeniumq; facit.

Vota mortalium

qui nec sibi consentiunt,
nec prudentum consilio regi sustinent, incerta & vaga,

Qua data porta ruunt

*Mobili ad omnem spei auram desiderio,
magnum in rebus inane sectantur.*

Roma Tibur amant ventosi Tibure Romanam,

Cum ubiq; sint leviter, nusquam sunt decorè,

*Pulchrum quidem censent inter illustres viros eminere,
sed eo magnitudinis procedere, ignorant aut refugiant,
virtutis speciem laudant, quia pulchra:*

In ardua ducentem non sequuntur: quia difficilis.

fluxarum caducarumq; rerum

(Quæ fucum tantum magnæ laudis habent)

intenti studio;

Ingenium, quo nihil melius neq; amplius est in vita mortalium.

aut viribus curis deprimunt,

aut incultu socordiaq; torpescere sinunt.

Ignari

veram magnitudinem, metiri debere, decempedâ virtutis.

Cui à natura insitæ

institutio proba, incunabula præstat:

improbis labor, rectiq; cultus,

in bono vestigia firmant.

Felix & exaggerata Indoles Tua

Perillustris Domine Sacræ Theologiæ Doctor,

ab incondito illo aliud atq; aliud agentium vulgo,

Te omnino exemerat.

qui rerum honestarum semina animo gerens,

honestæ complexus es, postquam audivisti.

*fl
ala
Sub
F. P. P.*

In flore ætatis,
maturos fructus honoris, ulterioribus annis, præmiffisti alios,
alios promiffisti.

Numine prospero,
fauentem inclito germini Lucinam,
in Maiori Polonia sortitus :

Maioribus ire per altum auspicijs, nunquàm destitiffi;
Futurus

in Minori Polonia,
Maiorum semper gentium:
vel magnus Præceptor,

vel in Regno Sapientiæ, optimus Senator.

Ad Maternam Delum,

(cui nunc es dulce decus & præsidium,)

naviganti, feliciori fulgore,
quàm Castor & Pollux præluxerunt,
ambo magni, ambo iam cælo recepti immortales.

Magnitudine animi incomparabilis,
in maiestate scriptorum, æternùm venerandus Makovius.

Tertius velut de cælo Cato Academicus,

*cuius virtuti nullus laudando profuit,
nec quisquam vituperando nocuit.*

E T

magnorum in Polonia Heroum corculum,

Mathias Treter

eruditarum ocellus mentium.

*Hi, magna ad titulos exempla dabant,
sponte in præclara nitenti.*

Augur Apollo suspexit in Te,

Ingentis publicè priuatimq; decoris Academici, materiem,
idcirco, solito digniùs adamavit,
illustre ingenium,

Philosophico & omnium Artium honestarum cultu,
non perperàm imbutum,
invitans ad lauream.

*Philosophicis Maior honoribus,
Pierias noctu diuq; docto, sub pectore agitare curas,*

legem

legem Tibi dixisti,
ut factò impleres, quod Sapiens Romanus
dictò asseruit:

*Philosophiam non esse popolare artificium,
nec ostentationi paratum.*

*Libro Syne mechaq
fine*
Toties ex sublimi eruditoque argumento,
publicè agnitus Philosophus, ut ex linea Apelles.

Nec minor Te, gloria secuta Demosthenis in armis,
quoties pro rostris stetisti, roseo facundus in ore.

Multa paucis,
sincera probitas, & vera eruditio,
Tibi pari iure dilectæ.

habitus præterea corporis decorus,
in vultu gratiæ hilares,

in tranquilla fronte serenus nitor,

intuentibus persuadebant,

ut Vir bonus & sapiens facillè credereris,

Magnus libenter,

visenda hac fauoris publici, sed non porta patens.

Instandum Ergo fortune,

uti cessare prima, fore uniuersa.

SECUNDA CHARIS

Multa Tui virtus animi, multusque recurset

Gentis honos celsæ, quæ Tibi culta magis.

Magnarum virtutum Pantheon,

publica virorum Illustrum æstimatio & Principum fauor.

Hic illis, celestis & igneus inspiratur vigor,

hic oritur maior Phebo dies.

in quo suam explorant crystallum,

Velut Iouis alites,

ante fidem solis iudiciūq; Poli.

Quæ in tenebris lucet Virtus,

sæpe in publico sole ægrè tuetur.

Velut Palladia Satiriaq; auis.

*in luce caligant,
de nocte venantur & volant.*
Adeò longè diversum est,
purum sudumq; lumen cernere, & tenebris admistū.

Conscientia propria,
non est satis amplum theatrum, virtuti :
quæ aliorum umbras, nata est illustrare.

Tuæ hoc clarum specimen virtutis est,
æquè in luce ac in recessu florentis,
nobis utiliter, Tibi gloriòse,

Perillustris & Admodum Reverende Domine,
Palmare hoc præcipuumq; Magisterij Tui decus erat,
paulatim, ad honores Academicos exurgere,
palàm se cuicunq; labori offerre :

non crediturus Te meruisse, si creuisse putares

*Multorum bonorum gratiam,
ne quid carbone notandum, corrumpere,*
feriò; cavere :

bene agendo, beneq; dicendo, domi forisq; inclarescere :
alterius laudem de proprio bono, sive invidiam de alieno,

Tuæ virtutis cotem existimare.

Plurimum facere, minimum ipse de Te loqui;
Tanto virtutum insigni decorus, & peti dignior,
Magnæ spei, & alti sanguinis moderator Iuventæ,
non uni;

Ignotum Pijrrho Phœnix narrabas Achillem:

& veterum decora alta Heroum.

Debent gratitudinis palmam,
constantibus sapientiæ Tuæ præceptis,
Triumphales OLSZOVIORVM Falces,
Nobiles Palmas demetere natæ.

*Debet, aurea illa arma,
quibus tectos, in casum & fortunam, pugnare Plato iubet,*
aureo veterum recentiumq; splendorum vellere, nobilis,

Gentilitius ZALVSCIORVM Agnus

Nec

Nec vacat Tuarum munere laudum:
Genitrix Alcmene Heroum,
Denhoffiana Domus,

Tot Alcidas pariens, quot mares
queis Arctoæ populator oræ,
fulmineus Aper,
caput dedit, in præmium Victoriæ,
& in gloriæ Capitolium.

Tanti sanguinis vnus
*Te Duce, non vagus Hercules
Nationes alio sole calentes adiit,
non mutans animum, nisi in melius,
Auitis fulgoribus, plus ultra decorum additurus.*

Exemplo Tui maximo,

quem SORRONICA Pallas in Regno Liliorum,
Lilia & gemmas ingeniorum exquirens,
Inter Diuæ Themidis clarissimos mistas,
Doctorali coronamento insignem, recensuit;
non sine Scientiæ legum insigni experimento.
nam inibi Iuris nodos de Tutela,
disputationi publicæ, proponens.

Liliatæ Innocentiæ Parenti,
Iustitiarum Domini in terris Tutori,
Sanctissimo IOSEPH consecrafti.

Verior hic, Ioue Ammonio, Iuans Pater.
& Gordia vincula soluere
& loqui oracula docuit.

Lemma hoc Tuæ pietatis,
factum non sine arcano superum Iudicio,
Te iam hâc tesserâ à longè destinantium,
In peruigilem Iurium Academicorum & legum tutelam.

Iterum.

*spei publicæ velificare in Sarmatico Hidaspe
periculosa eadem, & gemmea felicitas.*

Purpureus hic Flauiorum regnator.
Cæsarum Regumq; fortunam vehens,

C

pretio-

pretiosissimum vnionem Tibi credidit vni,
Seipso maiorem: quia FILIVM ACCRESCENTEM.

soliciti plenus timoris honos!

Tam incomparabilis rei
pretio, nitori, integritati prospicere
non satis est cautum esse in horas.

inter tot discrimina rerum,
quot Maximarum in orbe Europeo Urbium culmina,
quot Principum fastigia Aularum, reuifistis,
exoticorum splendorum morumq; laudabiliter curiosi.

Iacta est alea feliciter.

plusquam Cyaneas insulas Maleaq; tenaces undas superauit,
ad consilia prudens, ad casum fortunamq; felix,

Tua dexterrima virtus.

Atq; ità, votorum summam Celsissimæ Parentis impleuit.

ut Cerulea Tethis inuideat:

Te Lubomirscio non suo Achilli contigisse

quem notus non fefellisset Uliſſes.

Magna hæc prudentiæ, sed maiora pietatis insignia.

Divinum Benè,

Magnis Laudibus Angelici Doctoris,
eximiè adornatum,

ut illi ad portas æternales via lactea,

ita Tibi, ad magnos honores Porta Triumphalis,
cujus fabricam pulchrè hîc inchoatam,

Romæ splendide perfecisti.

in arduo, Beatificationis Divi IOANNIS CANTII, negotio,
plùs elaborans,

quàm Mercurius in Iovis triumpho.

Angusta hac cecidit Sors super MATTHIAM,

ut, qui,

apud Sanctissimum Innocentium XI,

Sacros, candidis Innocentiæ Divi Patriarchæ Nostri niuibus,
procurasti honores,

Sub Felicissimis Auspicijs,

Sanctissimi INNOCENTII XII,

Apo-

Apostolicam Argo, hodie gaudens,
Theologico augustior honore,
TRIVMPHARES.

TERTIA CHARIS.

*Multa Tuum, meritis sustentat fama trophæis,
Nomen, & es, nostra, gloria magna Toga.*

Centum ora famæ,
Centum Portarum Hecatombe,
has condit Amphion, pollens potensq; sui animus,
quoties iturus in orbem triumphans,
Syrenes illecebras, suavi virtutum concentu,
& abiecta curarum, dulci gloriæ modulamine, vincit.

Famâ bonâ,

Carmen triumphale præcinente.

*Ita, immortalia facinora, quot quisque virtute magistra exegit,
tot crexit arcus fama triumphales:
tot triumphalium propugnacula turrium,
unde centum linguis latum peana canat,
unde æra sonora concutiat.*

Hæc alta vocalis culmina famæ, Tuis laudibus personant,
Perillustris, & Admodum Reverende Domine.
laudabilium operum Tuorum amplitudinem,
licet modestiæ Cortinâ obtendas,
non secus, ac pretiosam occulit concha margaritam;

tamen

(Qua Virum bonum & magnum etiam sub cavernis terra reperit)
Grata fama,

*Te mille vigilibus vestigat oculis,
totidemq; præpetibus pennis,
fert per ora auresq; hominum.*

Virum omni fortunæ parem, & maiorem etiam ornaturum;
Principum gratiâ, Procerum, Magnatumq; favoribus,
Nobilium amicitia vigentem.

Ab Jous
pupus Musæ

MB

Omnes pretiosissimam honores, nullos ambientem,

rite oblatos acceptantem:

qui dexteritate agendi, prudentia, felicitate, constantis animi celsitudine,

**Lechicarum Athenarum Orator,
Generalium Euripos Comitiorum,**

toties adiit, nec submersus est,

quin salutaris rebus Academicis rediisset:

particularium, Nobilitatis Conventuum, tempestates sonoras,

magno animo perferens, reduxit Alcionia.

Difficilium quorumvis negotiorum naufragia, perpeffus est:

Et ubi salvare non potuit, subduxit in litus,

nutantem legum luxuriamq; Carinam, anchoram iaciens spei melioris.

Hæc pro liberrimo regnantis Sapientie imperio, Regiisq; camænis,
extra Portam Camænam, gesta Tua, celebrat vox communis bonorū:

Sacratior verò Minerva, Septenario Pythagoreus designata,

summiq; Numinis instar, Diva Theologia,

quidni auratos celsitudinis suæ postes, grata libensq; Tibi pandat,

cui post Romuleam Laurum,

plurium Theologicarum pugnarum,

Victrices manubias, cum appendisses,

in Disputatione de Sacramentis publica,

Triumphale Septizonium erexisti.

Gloriosâ Cursûs Sacramentalis Olimpia,

cum Te hodiè suum Olympionicem venerantur;

Quæ Septem nititur Sacramentis,

Sancta Ecclesia,

verius Civitas Septicollis,

merito in potiozem partem triumphî venit.

De cujus, infinitis Theauris,

Cælestium plenitudo Gratiarum,

Tibi longè diuq; fortunatissimo procedat.

Cui in mense plenitudinis,

Sublimis de Processionibus Divinarum,

Personarum disertatio,

IN TRIGEMINA

CELSITUDINIS THEOLOGICÆ PORTA,

Arcum erexit Triumphalem.

DUBLIN

Bib. J. S. R.



